

# JAWAPAN

TEMA  
7

## Persaudaraan Tanpa Sempadan

### PBD Kemahiran Mendengar dan Bertutur

- Petikan dialog tersebut tentang jenis-jenis aktiviti kesukarelawanan dan faedah-faedah menyertai kegiatan kesukarelawanan. Antara aktiviti yang dijalankan adalah berasaskan alam persekitaran, berasaskan hospital, dan haiwan. Biasanya aktiviti kesukarelawanan kerap diadakan di rumah orang-orang tua, pusat penempatan mangsa bencana alam, dan sebagainya.
- Sukarelawan remaja memperoleh pelbagai faedah daripada aktiviti tersebut. Antaranya, remaja dapat memahami kehidupan dan kesengsaraan orang lain. Selain itu, remaja dapat memahami cara-cara menyelesaikan masalah dan dapat berkongsi pengalaman, kemahiran, serta bakat mereka dengan orang lain.
- Aktiviti kesukarelawanan juga dapat melahirkan generasi remaja yang prihatin dan penyayang. Di samping itu, remaja yang menyertai aktiviti ini terhindar daripada gejala negatif kerana masa lapang mereka digunakan untuk melakukan aktiviti yang baik. Generasi remaja yang prihatin dan penyayang serta bijak memanfaatkan masa amat penting untuk membentuk generasi pemimpin pada masa akan datang.
- Seseorang sukarelawan melakukan aktiviti ini dengan ikhlas. Oleh itu, beberapa nilai murni lain juga wujud pada diri mereka seperti nilai kerjasama, hormat-menghormati, kasih sayang, dan lain-lain lagi.

### PBD Kemahiran Membaca

Amalan makan nasi beramai-ramai di dalam satu dulang yang dikongsi empat hingga lima orang membawa banyak manfaat kepada masyarakat sekiranya sering dipraktikkan. Satu daripada manfaat perkongsian makanan di dalam dulang ialah masyarakat dapat mengamalkan sunah yang dipraktikkan oleh Rasulullah SAW. Hal ini membolehkan mereka memperoleh pahala dan keberkatan yang sangat diingini dalam kehidupan. Melalui amalan makan nasi di dalam dulang beramai-ramai, masyarakat dapat memupuk nilai kasih sayang. Ketika menikmati hidangan tersebut, masyarakat saling bertoleransi dan tidak kedekut. Di samping itu, amalan berkongsi makanan pada sesuatu masa dapat mengelakkan pembaziran yang amat dibenci oleh Tuhan. Hal ini demikian kerana setiap ahli kumpulan menghabiskan makanan bersama-sama. Melalui amalan berkongsi makan nasi bersama-sama ini juga, makanan yang dihidangkan di dalam dulang mudah disediakan kerana dimasak banyak di dalam sebuah periuk. Selepas menikmati hidangan, masyarakat juga tidak perlu mencuci pinggan mangkuk yang banyak. Hal ini pastilah menyenangkan masyarakat kerana menjimatkan masa dan tenaga mereka.

### PBD Kemahiran Menulis

#### Pendahuluan:

bencana berlaku di mana-mana dan bila-bila masa sahaja, termasuk di Malaysia – bencana yang paling kerap berlaku ialah banjir – lazimnya pada akhir tahun atau musim tengkujuh – saya tidak lupa untuk mengambil peluang memberikan beberapa sumbangan kepada mangsa-mangsa banjir

#### Isi-isi penting:

- (a) sumbangan wang ringgit – mengikut kemampuan diri – wang dimasukkan ke dalam tabung sumbangan khas – melalui dalam talian – dapat digunakan untuk menampung perbelanjaan mangsa banjir
- (b) sumbangan pakaian – pakaian lama yang masih elok – kain batik, kain pelekat, dan selimut – mangsa banjir dapat berganti pakaian yang bersih dan selesa
- (c) sumbangan sebagai tenaga sukarelawan – membantu untuk mengagihkan makanan dan barang keperluan – menyertai kumpulan pembersihan di pusat pemindahan mangsa banjir – memperuntukkan masa terluang untuk membantu orang lain
- (d) doa – senjata umat Islam – memohon Tuhan memberi keselamatan kepada mangsa-mangsa banjir dan pihak yang membantu mereka – memohon agar bencana dikurangkan di negara kita – menunaikan solat hajat

#### Penutup:

hidup biarlah berbakti – berusaha untuk memberikan sumbangan kepada orang lain – agar dapat mengeratkan persaudaraan sesama kita tanpa mengira bangsa dan agama – ke arah mewujudkan masyarakat penyayang

### PBD Aspek Tatabahasa

1. kata-mengata
2. lelangit
3. Lambat-laun
4. Tetamu
5. tiba-tiba
6. Rupa-rupa
7. berdikit-dikit
8. kecil-kecilan
9. berura-ura
10. Tanah-tanah
11. selambat-lambatnya
12. gopoh-gapah
13. karut-marut
14. bau-bauan
15. bunga-bungaan